

INUIT ATAQATIGIIT

INATSISARTUNI



11. august 2011

UKA 2011/57

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Perulunnartumik imaluunniit navianartorsiorluni napparsimasoqartillugu napparsimasuusup nunagisani qimallugu kattorsartinnermi nalaani ilaquutaasumit ilaqartinneqartarnissaa periarfissikkumallugu Kalaallit Nunatsinni napparsimanermi sillimmasiinnermut (sygesikring) assingusumik pilersitsisinnaanissaq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Debora Kleist, Inuit Ataqatigiit)

Tunngavilersuut:

Napparsimanerup nalaani, napparsimasoq nunamut allamut katsorsartikkiartorerani ilaquutaasumik ilagineqartarnissaa napparsimasumut pingaaruteqarluinnartuuvoq. Ilaqutariit taamatut aqquusaagaqarsimasut oqariartuutigiuarpaat nukittoquteqarnissap qanoq pingaaruteqassusianik.

Ukiuni kingullerni Peqqinnissaqarfimmut aningaasaliissutit amerliartuinnartut ilisimavagut. Taamaattumillu aningaasat ilaquutaasut ilaanissaanut akiliunneqarnissamut atussagutsigit, taava napparsimasut pitsaasumik sullinneqarnissaanniit aningaasat ilanngaatisariaqalissapput. Tamannalu tamatsinnut orniginanngilaq.

Tamattami angorusupparput napparsimasortatta katsorsarneqarnissaat, ajunngitsumillu nappaatiminnut qaangiilluarnissaat.

Napparsimasut nunagisartik qimallugu katsorsartikkiartortartut ilaqtaminnik ilagisaqarnissaat siunissami qulakkiissagutsigu arlaatigut iliuuseqarnikkut akiliussinissaq qulakkeerneqartariaqarpoq. Inuit Ataqatigiinni kissaatiginngilarput, maannamut napparsimaveqarfimmi sullissinerup appariartinneqarnissaa. Taamaattumik inuiaqatigiit tamatta, napparsimasortatta ilagisaminnik ilaqartalersinnaanissaat, allatut qanoq aqqutissiuussinnaavarpur?

Akiliut annertoorujussuaq atunngikkaluarlugu, inuiaqatigiit tamatta akiliuteqalernertigut tamatsinnut toqqissisimanarnerusumik angusaqarsinnaavugut? Inuiaqatigiinni tamatta ajornartorsiut taanna qaangersinnaajumallugu, annertunngikkaluamik qaammammut akiliuteqartalersinnaanissaq periarfissatut atussavarpur? Assersuutigalugu akiliuteqartalerner-mik sillimmasiinertut ittumut (sygesikring) aqqqissuuneqarsimasumik.

Taamaattumik oqallisissiap matuma Inatsisartuni eqqartorneqarnera tunngavigalugu, qanoq siunissami pisortatigoortumik (sygesikring-imut) napparsimalersinnaanermut sillimmasiinnermut assingusumik tamatta najugaqarfippur qimallugu suliaritikkiartortoqarnerani iluaqutiginnaasassatsinnik Inatsisartunit eqqartorneqaqqullugu apeqquteqaatigaara, oqallilluarnissassinillu kissaallusi.